



## Universitätsbibliothek Paderborn

### **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1847**

MDLXXVIII. Bischof Conrad von Havelberg liquidirt gegen die Herzöge von  
Mecklenburg seine seit dem Jahre 1424 erlittenen Beschädigungen, am  
20. Jan. 1438.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

namen IV perde, den schaden achte wy vp XII schok. Item Anno etc. XXXIII hebben desse vorgnanten wentlender namen VII perde, dy ok ghekamen zin tho dem haghē: den schaden achte wy vpe twintich schok. Item Anno etc. XXXIV hebben vns herteghe hinrikes man vnde knecht vnde des kummeldures knechte van Mirow ghenamen IV perde, den schaden achte wy vp XII schok, vnde sloghen vns to dem male eynen borgher dot. Item Anno XXXV hebben vns herteghe hinrikes man vnde knechte vnde ok des kummeldures knechte van Mirow vnde ok der hanen knechte van tzoltzow ghenamen XXII perde vnde ok wol X borgher ghewundet bet an den dot, den schaden achte wy vp LXX schok. Hir is mede gewesen henneke holfte, voghedike poppentin, hans Bade, hans wormer vnde ok beyde Retzowen, dy dar wanen in dem lande to Miraw vnde ok Bismarowe vnde gherke borchaghen, dy herteghe hinrikes brodeghe knecht was, vnde noch ander ghezellen, dy vns vnbekant zin. Item Anno XXVIII Nam vns Clawes prigghe nitze vnde Simon ghire, vritze van grabow med eren medehulpern alle vnse koge vor vnser Stad, dy wy en doch wedder nemen vpe twe schok na, dy sy vns dar van entfernden, den schaden achte wy vpe neghentich schok. Item dar na in dem fuluen jar desse vorbenomeden nemen vns ok vnse Schap vor vnser Stad, dy wy en ok wedder nemen vpe dre schok na: den schaden achte wy vpe XII schok. Alle dessen vorbenomeden schaden dy summe is foshundert schok vnde VI schok tho zamende.

Nach dem Originale.

MDLXXVIII. Bischof Konrad von Havelberg liquidirt gegen die Herzöge von Mecklenburg seine seit dem Jahre 1424 erlittenen Beschädigungen, am 20. Jan. 1438.

Dyt is de vredebroke vnd schade, de vns Conrado van gades gaden Bischoppe to havelberghe geschyn is van hertoghe Johan vnd hertoghe hinrike, heren to Stargarde, van hertoghe hinrike vnd Johan von Meclenborch, Greuen to zwerin vnd van den eren, alz hir na gescreuen steid. To deme irsten Na godes bord vinteynhundert iar dar na in deme vir vnd twintigsten iare weren de Stralendorpe van kriwitze vnd de pleffen van lubetze vor wiftok, dar nymen se de Schap vnde slogen doet hans Cziker: den schaden achte wy uppe duzent Rinsche gulden. Item Anno vicefimo sexto de vorsecreuen Stralendorpe, de pleffen vnd de guden lude vte deme lande to Sterneberghe weren vor wiftok, dar nymen se vyr schok koye vnd slogen doet eynen Borgher gehyten vward. Ok worden meer borger gelemet vnd gewundet, den schaden achte wy uppe duzent Rinsche gulden, Ane den doden, na rechterkantnisse to vorbotende. Item in deme fuluen iare weren de Meclenborger, de Robelirer mid hinrik Moltzane in der prouestye to havelberghe, to Schonhagen, Ghoreke vnd Gumptow, dar nymen se wes dar was vnd vordingeden Ghoreke vnd Gumptow vnd branden Schonhagen half aff: Den schaden achte wy uppe foes duzent Rinsche gulden. Item Anno etc.

vicefimo feptimo weren de Meelenborger alzo Reymer van pleffe, de Molteken van dem Stritfelde, hermen moltzan, pryn, hinrik van Bulow van tzibul vnd meer der heren man van Meelenborch vnd hans von Retftorp wanaffich to deme Radepole, hinrik van Bulow van kritzow, de Barnekowen vnd de guden lude vte deme lande to Sterneberghe mid eren medehulperen vor wiftok in alle gades hilgen dage vnd nymen dar fouen fchok koye, den fchaden wy werdigen fo gud alzo vir vnd twintich hundert Rinfche gulden. Item Anno etc. vicefimo octauo de bure van weytzentin vte deme lande to Stargarde nymen vnfen borgheren van wiftok alz wedege hanen vnd hans Moyelken viff vnd veftich hundert Stokuifches vnd eyne tunne als, den fchaden achte wy vppe viff vnd veftich Rinfche gulden. Item in deme fuluen iare hans vryberges fone mid fynen medehulperen vte deme lande to Robel flogen doet vnfen fchulten van der Babitze, den fchaden achte wy alfo hoghe alfo vns van recht werd to gevunden, dar me den doden mede mach vorboten. Item Anno etc. vicefimo nono hennigh valkenberges knechte vte deme lande to Stargarde nymen vor vnsem dorpe Babitze achte perde vnd brochten de fluchtich to Ainfberghe, den fchaden wy werdigen uppe druttich rinfche gulden. Item in deme fuluen iare hinrik vnd wedege van heydebreke, hennigh haker, Clawes ofterwolt, hinrikes fone van Byferitze, hinrik valkenberges fone van wardelin, Clawes pickatel vnd Merten van Dorne vte dem lande to Stargarde, de weren vor wiftok vnd grepen vnfen borger hans vogelken, de ward befchattet uppe virhundert Rinfche gulden. Ok drenkeden fe eynen vnfen borgern, dar wy bote vmme begheren, alz recht is. Item Anno etc. tricesimo fecundo Mathias karwe, Achim platen knecht mid fynen medehulperen vte deme lande to Stargarde nymen vns twe perde vor vnfern Sfote tzechelin, den fchaden wy werdigen uppe vefteyn Rinfche gulden. Item Anno tricesimo tercio paul Byfemerowe mid fynen medehulperen, Achim platen knechte vte dem lande to Stargarde, grepen vnfen borger Clawes van deme kager vnd fynen knecht vnde nymen em twe perde. Ok war de knecht befchattet, den fchaden wy werdigen uppe twintich Rinfche gulden. Item Anno etc. tricesimo quarto Johan van pleffe hinrikes fone van lubetze mid fynen medehulperen nymen vnsem praueste van wiftok dre perde, den fchaden wy werdigen uppe druttich Rinfche gulden. Item in deme fuluen iare hans van Retftorp wonaffich to dem Radepole grep vns aff twe bure to dem tzatzike vnd nam em dre perde vnd befchattede de lude, den fchaden wy werdigen uppe achtentich Rinfche gulden. Item in deme fuluen iare Merten van dorne vnd Stolpenagels knechte, hertoghe hinrich van Stargarde brodige hoffgefinde, nymen vns vor Swinrik Offen vnd koye, alz dar weren, dar vnse dynre navolgeden vnd wedder nymen vppe eluen houede na. Ok nymen fe den buren dre perde vnd de vnfen vordoruen in der iacht twe perde, den fchaden wy werdigen uppe fouentich rinfche gulden. Item Anno etc. tricesimo quinto Clawes priggenitze mid den fynen nymen vns vor Schonhagen achte vnd veftich perde, den fchaden wy werdigen uppe virhundert Rinfche gulden. Item in deme fuluen iare Clawes Steuel, winkelman mid eren medehulperen vte deme lande to Robel flogen doet eynen man vor vnseme dorpe haffelow vnd nymen em twe perde, de

wy werdigen uppe achte Rinsche gulden vnd bote vor den man, alz vns van rechte dar vor mach beharen. Desse schade schach vns vte Robel vnd fluchtich dar wedder in. Item Anno etc. tricesimo sexto Clawes Steuel, winkelman vnd Auentrod nymen vns vor wiftok soes perde vnd brochten de to Robel in, dar de Radmanne van Robel vns dre perde aff vorbot hebben, de anderen dre vns noch nastellich sint gebleuen, den schaden wy werdigen uppe vefsteyn rinsche gulden. Item jn deme fuluen iare Gherike Retzow vte deme lande to Stargarde hefft doet geflagen eynen man vor vnsem dorpe Babitze, dar wy bote vor begheren, alz vns van rechte mach behoren, vnd nymen em twe perde, de wy werdigen uppe teyn rinsche gulden. Item in deme fuluen iare Steuel vnd winkelman, Clawes priggenitze knechte nymen twe perde vor vnsem dorpe papenbrok, de wy werdigen uppe teyn Rinsche gulden. Item in deme fuluen iare Philipps Priggenitze, Eggerd hane vnd syn broder van Soltzow nymen vnsem luden van der wilfnak vor Blomental souenteyn perde, de wy werdigen uppe hundert Rinsche gulden vnd nymen en uppe twintich gulden an reden gelde. Item in dem fuluen iare Steuel, Auentrod, winkelman, Clawes priggenitzen knechte nymen neghen perde vor vnsem dorpe wernekow, de wy werdigen uppe vefstich rinsche gulden. Item in dem fuluen iare de valkenberge vte dem lande to Stargarde grepen eynen borger van wiftok Bernd lantrider, de wort beschattet uppe achte schok vnd nymen dar twe vnd twintich perde, den schaden achte wy uppe twe hundert rinsche gulden. Item jn deme fuluen iare Achim platen knechte nymen vor wiftok viff perde, de wy achten so gud alz druttich rinsche gulden. Item Anno etc. tricesimo septimo hans pickatel, henningh bertkow, Scherff vnd ander gude lude vte deme lande to warne nymen vor dem tzechelin achte ossen, dre schok schap vnd dre perde vnd grepen twe knechte, den schaden wy werdigen uppe twe hundert rinsche gulden. Item jn deme fuluen iare henneke holtzste, hans pickatel, henningh bertkow vnd andere Stargardirer nymen vor dem dorpe tzechelin twintich houet vees vnd vor dem Slotte eyn schok Swyne. Den schaden wy werdigen uppe anderhalf hundert Rinsche gulden. Alle desser vorscreuen vredebroke vnd schade Beghern wy vulkamen bote vns to donde, alzo recht is. To orkunde desses vredebrokes gheuinge hebbe wy vnse Secret laten drucken an dessen breff, de gegheuen vnd screuen is jn funte sabbiani vnd Sebastiani dage, Anno etc. tricesimo Octauo.

Nach dem Original.

MDLXXIX. Markgraf Friedrich der Jüngere verleiht zweien Nonnen zu Wollmerstädt, Bürgertöchtern aus Stendal, Hebungen aus Warburg, Dalem und Insel zum Leibgedinge, am 29. Januar 1438.

Wir fridrich der Junge, von gots gnaden Marggraue zcu Brandenburg vnd Burggraue zcu Nuremberg Bekennen — das wir den geistlichen wirdigen Jungfrowen Do-

Sauptz. II. Bd. IV.